

Imeruersaatit puuinut akitsuutip peernissaa pillugu Naalakkersuisut UKA2024-mut inatsissamik saqqummiussaqaqqullugit peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasorta q Aqqalu C. Jerimiassen, Atassut)

Akissuteqaat

(Aningaasaqarnermut Akileraartarnermullu Naalakkersuisoq)

Siullermeernera

Innuttaasut aningaasatigit atugaat pitsanngortinneqassasut Naalakkersuisut siunnersuuteqartoq isumaqatigaat. Puunut akitsuutinit isertinneqarnerusut innuttaasut iluaqutigissavaat. Tamannali puunut akitsuutip appartinneratigit pissanngilaq.

Akerlianik puunut akitsuummit isertitsissutaanerusut akileraarusiisarnermik akitsuusiisarnermillu aqqissusseqqinnerup ulloq 22. marts 2024-mi atsiorneqartup aningaasalersornerannut tapersiissapput. Tamanna Naalakkersuisut isumaat malillugu puunut akitsuutit atorunnaarsinnagit akileraarutit appartinnerat pingaartumik isertitakinnerusunut akunnattunillu isertitalinnut iluaqutaanerujussuussaaq. Sulinermit akileraarutit appasinnerusut sulinerunissamik pilerinarnerutitsipput, tamatumalu inuiaqatigiinni aningaasaqarneq annertunerulersissavaa. Imeruersaatit eqqussukat puuinut akitsuutip appasinnerusup nioqutissanik taakkunanga atuneq annertusitissavaa, kisiannili isertitakinnerusut akunnattunillu isertitalit atugaannik pitsannguinerunaviarnani aningaasaqarnerulluunniit siuariartorneranut tapersiissanani. Taamaalilluni akileraartarnermik aqqissusseqqinneq pillugu isumaqatigiissut Naalakkersuisut isumaqatigiissutigikussaata aningaasaqarnermi iluaqutaanerussaaq.

Ilumoorpoq Nuuk Imeq A/S-ip ingerlatseqatigiiffiup nunatsinni ingerlataminik matusinissamik aalajangernera puuinut akitsuutinit isertitat qaffasinnerunerannik kinguneqartoq. Tamanna Nuuk Imeq A/S-ip nammineq aalajangigaraa matusinermik kinguneqartoq. Taamatuttaarlu pisiniarfiutillit nioqutissat tunisamik qanoq qaffasitsigisumik akeqassanersut aalajangertarpaat. Naalakkersuisut namminersorlutik inuussutissarsiortut ataqquvai, inatsillu atuutsillugu inuussutissarsiortut akinik aqqissussisinnaaner at akuliuffigerusunnagu.

Puunut akitsuut avatangiisinut iluaqutaanissaanik siunnerfimmu ilapittuutaavoq, puunullu akitsuut imeruersaatiniq eqqussinermi akitsuutit allat ilanngullugit imeruersaatiniq ilaatigit sodavandinik immiaaqqanillu eqqussukkanik atunerup annikillisinneratigit peqqissutsimi siunertaqarfiuvoq. Tassa puuinut akitsuutiniq aalajangiusimaannarnissaa isertitsissutaanerusullu sulinermit akitsuutit appartinnissaannut atorneqarnissaat aamma pineqarpoq, soorlu Inatsisartuni amerlanerussuteqartut akileraartarnermik aqqissusseqqinnermut atatillugu aalajangeraat.

Tamanna tunngavigalugu aalajangiiffigisassatut siunnersuummut allannguutissatut siunnersuut una inassuteqaatigineqarpoq:

**”Akileraartarnermik akitsuusiisarnermillu aaqqissuusseqqinneq
”Nunarput najoruminarnerulersitsigu” pillugu isumaqatigiisummi
aaqqissuusseqqinnerup illernerit sisamaata ilaattut puunut imeruersaatinik
imalinnut akitsuut atorunnaarsinneqassanersoq nalilersoqqullugu
Naalakkersuisut peqquneqarnissaannik Inatsisartut aalajangiinissaattut
siunnersuut.”**

Taamatut oqaaseqarlunga immikkoortoq Inatsisartunut suliassanngortippara.